

## Ráddehusa ovdanbuktojummi riikkabeivviide láhkan ruvkelága rievdadeami várás

### OV DANBUKTOJUMI VÁLDOSISDOALLU

Ovdanbuktojumis evttohuvo, ahte ruvkeláhka rievduvo.

Ovdanbuktojumi vuodđun lea oaiveministtar Sanna Marina ráddehusprográmma strategalaš ollisvuohta “Čaddaneutrála ja luonddu mánggahápmásašvuođa dorvvasteaddji Suopma” ja ja dan ulbmil 8 “Buoriduvvo ruvkkiiid birassuodjaleapmi”. Dán ovdanbuktojumis ulbmilin lea buktit ovdan dakkár birassuodjaleami buoridannjuolggadusaid, mat laktásit ruvkelága ja bargo- ja ealáhusministeriija doaibmasuorgái.

Ovdanbuktojumis lea maid dávistuvvon ruvkeláhka Dál -siviilaálgagis riikkabeivviid girjjis addojuvvon fuomášumiide. Dasa lassin ruvkeiseválddi lohpedoaibma aiddostahttojuvvoliid maid ášahusdásis, dán dihte leat ovdanbuktojuvvon fápmususat addit stáhtaráđi ášahusain dárkilit njuolggadusaid.

Ovdanbuktojumis evttohuvo báikkálaš dohkkehahttivuođa ja váikkuhanvejolašvuođaid buorideami várás, ahte ruvkelobi miediheami eaktun lea gieldda dohkkehan lávva. Earret eará báikkálaš dohkkehahttivuođa ja váikkuhanvejolašvuođaid buorideami várás evttohuvo dasa lassin eará ealáhusaid vuhtii váldin dáláža vuoimmálaččabut lohpeguorahallamis ruvkelága mielde. Ovdanbuktojumis evttohuvo giddodaga eaiggáda sajádaga buorideami ja guovllu orruid muosáhan áruid unnideami várás čavgemiid málbmaohtanlobi vuoimmisorruma joatkima eavttuide, earret eará eananeaiggádiid miehtama gáibideami, go málbmaohtanlohpi lea leamaš vuoimmis logi jagi. Dasa lassin ovdanbuktojumis evttohuvo diehtunoažžunrivttiid buorideapmi álbmotdílálašvuođain, mat dollojuvvojit jahkásaččat. Várrehusreguleremii ovdanbuktojuvvojit mánggat nuppástusat, earret eará várrehusviidodaga vearrolundosaš mávssu atnuiváldin ja várrehusáiggi oanideapmi.

Birassuodjaleami dási buorideami várás ruvkelága reguleremis evttohuvvojit nuppástusovdanbuktojumit, maid ulbmilin lea váldit vuhtii duovddalaš ja biraslaš sihke luonddu mánggahápmásašvuođa gažaldagat ovdalačča gievrrabut ruvkelága lohpeguorahallamis. Ovdanbuktojumis evttohuvvojit maid nuppástusat ruvkelága almmolaš prinsihpaide earret eará nu, ahte ruvkedoaimma buot muttuin doaibmahárjeheadji atná ávkin buot guovllus dihtton ruvkeminerálaid, maid doaibmahárjeheadji sáhtá atnit ávkin tekniikkalašekonomalaččat. Dasa lassin ovdanbuktojumit gullet aiddostahttimat eiseválddiid ráddádallangeatnegasvuođa reguleremii ja ilmmuhanmeannudeapmi giddodaga eaiggáda miehtamiin ollahuhtinvuloš málbmaohtanlobi. Ovdanbuktojumis evttohuvvojit čavgemat dáhkádušreguleremii ruvkelága mielde ja nuppástusat ruvkedoaimma loahpaheami reguleremii dađi lági mielde, ahte ruvke muttuid miel gidden váldojuvvo vuhtii ruvkedoaimma áigge ovdalačča buorebut ja ruvke loahpalaš gidden čadahuvvo ovddasvástádušlaččat.

Ovdanbuktojumis evttohuvvojit nuppástusat njuolggadusaide sápmelaččaid vuoigatvuođaide eamiálbmogin, earret eará aiddostahttimat lobi ohcci čilgengeatnegasvuhtii. Dasa lassin evttohuvo dieđiheami ja oassálastima njuolggadusaid oasil bálgesiid sajádaga ovttaidduhtin.

Lága doaibmivuoda buorideami várás ovdanbuktojumis evttohuvvojit nuppástusat lobi sirdima reguleremii, ruvkebántadieđuid almmolašvuođa reguleremii, ruvkedoaimmahusa reguleremii ja hálddahusbággoregulereami.

Lohpeiseválddiid resurssaid oasil ruvkeiseváldái ovddiduvvojit dárbbalaš resurssat jagi 2023 stáhta bušeahas.

Láhka lea dárkkuvvon boahpit vuoimái x.x.2022.